

საქართველო

ISSN 0132-6015

საქართველოს
საბჭოთავო
კომუნისტური
პარტია

№ 19 1985



სუომს მარჯაღივსა,
აქროსა, ეზივსოსა,



უცი არ ვაძღვს
საბჭოთავო სუომსა.

დავით გუჩამაძე



ფ. ბ. ზ. მორიანისა

რა ვიზორი ვზორით



ფელატონი

უზრომლად მოინდომა გამდიდრება ცვაკუშირის საკონტროლო-სარევიზიო სამმართველოს უფროსმა რევიზორმა თენგიზ ზურაბის ძე ნარინდოშვილმა. მომხვეჭელობისკენ ეჭირა თვალი და რევიზორი კონტროლს არ უწევდა თავს, ცდილობდა, სადმე ქრთამი აეღო!.. ამის შემთხვევაც მიეცა: იგი ერთი თვით მიავლინეს ცაგერის რაიკოოპერატივში დოკუმენტური რევიზიის ჩასატარებლად. ჩავიდა რევიზორი ცაგერში, სადაც მას ლეჩხუმური გულუხვობით შეხვდნენ. პირველივე დღეებში გამართული პურ-მარილით დარწმუნდა, რომ „ამ ხალხთან შეიძლება საერთო ენის გამოხატვა“.

რევიზია დაზვერვით დაიწყო. მან შეიტყუო, რომ ცაგერის რაიკოოპერატივში შედის ოთხი გაერთიანება — პურკომბინატი, საზკვების გაერთიანება, ალპანის ხავაჭრო დარგობრივი გაერთიანება და საკუთარი მურწეობა!

თ. ნარინდოშვილი 1984 წლის 16 ივნისიდან შეუდგა „მუშაობას“. მასალებისა და ხალხის „დასამუშავებლად“ აირჩია რაიკოოპერატივის ვაჭრობის განყოფილების გამგის მ. უგრეხელიძის სამსახურებრივი კაბინეტი. ამ კაბინეტში რევიზორმა საბოლოოდ მოიხსნა კანონიერების მცველის მკაცრი ნიღაბი და მ. უგრეხელიძეს მსუნაგური ღიმილით განუცხადა: „თუ არ მომცემთ ქრთამად 8.000 მანეთს, დოკუმენტურ რევიზიას ისე ჩავატარებ, რომ ყველას აგატირებთ, კანონიერად, სრულყოფილად გამოვიყენებ ჩემს სამსახურებრივ უფლებებს, უურადღებოდ არ დავტოვებ წერილმან დარღვევებსაც კი და, ყველაფერს უკლებლივ შევიტან დოკუმენტური რევიზიის აქტებშიო! მ. უგრეხელიძე შეაშინა რევიზორის მუქარამ და დათანხმდა აღნიშნული ოდენობის ქრთამის მიცემაზე. წავიდა და ამის შესახებ აცნობა მთავარ ბუღალტერს ვ. ჩაკვატაძეს, სარევიზიო კომისიის თავმჯდომარეს ი. ბენდელიანს, რომლებიც დაეთანხმნენ. სამუელმა გადაწყვიტა თ. ნარინდოშვილისათვის 8.000 მანეთი მიეცათ ქრთამად, ოღონდ — „კანონიერი რევიზია არ ჩავატარებინა“!

ამუშავდა ეშმაკის მანქანა, შეადგინეს თანამშრომელთა სიები, თუ ვის რამდენი თუ-

მანი უნდა დაედო ხელფასის მიღების დროს. კონკრეტულად: პურკომბინატს უნდა მოეტანა 1.200 მანეთი, საზკვების გაერთიანებას — 2.500 მანეთი, ალპანას — 3.000 მანეთი, საკუთარ მურწეობას — 4.750 მანეთი! რევიზორ-ინვენტარიზატორმა გ. მდივანმა 45 თანამშრომლისგან აკრიფა ფული სიის მიხედვით. ამრიგად ქრთამის მიცემაში წამქეზებლები აღმოჩნდნენ კოლექტიურად: რაიკოოპერატივის ვაჭრობის განყოფილების გამგე, მთავარი ბუღალტერი, სარევიზიო კომისიის თავმჯდომარე, რევიზორ-ინვენტარიზატორი, პურკომბინატის დირექტორი, საზკვების გაერთიანების დირექტორი, მისი უფროსი ბუღალტერი, მოლარე! გვირიანად წაიმუშავეს მათ და შეგროვილი 8.000 მანეთი ცაგერის სასტუმროში მიართვეს თ. ნარინდოშვილს მ. უგრეხელიძემ და ი. ბენდელიანმა.

მაგრამ შუბი ხალთაში არ დაიშალა: ქრთამის აღების ამბავი ცნობილი გახდა რესპუბლიკის შინაგან საქმეთა სამინისტროს სოცსაკუთრების დატაცებისა და სუბკულაციის წინააღმდეგ ბრძოლის სამმართველოს თანამშრომლებისათვის. მათ 1984 წლის 26 სექტემბერს ცაგერის რაიკოოპერატივში ამოიღეს სიები, რომლის მიხედვითაც აიკრიფა 8.000 მანეთი.



ასე აღიძრა სისხლის სამართლის საქმე. წინასწარი ძიებისა და სამსჯავრო გამოძიების მიერ შედგენილმა დოკუმენტებმა ცამეტი ტომი შეადგინა. იქ ნათლად არის ფიქსირებული, რომ „ქრთამის სახით 8.000 მანეთის მიღების შემდეგ თ. ნარინდოშვილმა ანგარებით ჩაიდინა სამსახურებრივი სიყალბე, რევიზიის შედეგებზე შედგენილ ოფიციალურ დოკუმენტებში შეგნებულად შეიტანა ყალბი შინაარსის შემცველი მონაცემები“.

დამნაშავეთა საქმის განხილვას თვეზე მეტ ხანს მოუნდა რესპუბლიკის უმაღლესი სასამართლო სისხლის სამართლის საქმეთა-სამართლო კოლეგია (თავმჯდომარე ვ. ყიფიანი). გამოტანილი განაჩენით თ. ნარინდოშვილს მიეკისხა 13 წლით თავისუფლების აღკვეთა, ქონების კონფისკაციით, გაძლიერებული რევიზიის შრომაგასწორების კოლონიაში მოხდით. მასვე სასჯელის მოხდის შემდეგ სამი წლით აუკრძალა პასუხსაგებ თანამდებობაზე მუშაობა. მ. უგრეხელიძეს შეეფარდა 6 წლით თავისუფლების აღკვეთა, ვ. ჩაკვატაძეს — 5 წლით, — ი. ბენდელიანს — 5 წლით, კ. ჩარკვიანს — 5 წლით, გ. მდივანს — 4 წლით, გ. კუხალაშვილს — 4 წლით, მ. თუთისანს 3 წლით და 6 თვით, მ. კოპალიანს — 3 წლით! ამასთან თითოეულს ვარდა მ. კოპალიანისა, სამსახური წლით ჩამოვრთვით პასუხსაგები თანამდებობების დაკავების უფლება!

კოლეგიის განაჩენში აღნიშნულია, რომ მ. თუთისანის მიმართ შეფარდებული სასჯელი პირობით არ იქნეს გამოყენებული, თუ იგი სუთი წლის მანძილზე არ ჩაიღვნს ახალ დანაშაულს, ხოლო მ. კოპალიანს განაჩენის აღსრულება ძირითადი სასჯელის ნაწილში ორი წლით ვადადოს!

ასე დასრულდა ცაგერში ქრთამის ამღებ-მიმცემთა სასამართლო პროცესი, რომელიც მწარე გაკვეთილია მათთვის, ვისაც უკანონო გზით წაგლეჯვა-გამოძალვის საშუალებით გამდიდრებაზე უჭირავს თვალი!

ს. ჭაბუკიანი
ილუსტრაციები ზ. შორჩიძისა

ვერცხლით ნებათაუხარ მოვლენებს!

ნ.ბ. შ. აბაშიძისა



— ამხანაგებო! ათწლიანი დასასვენებელი საგზურით შეფასდა ჩვენი მმართველის მუშაობა!..

შევიპატივე პროტევე
კაბინეტს მუხის ხისასა,

ბინა მთხოვა და მივეცი,
ვურჩევდი „ზემელისასა“
(სამნიშნა ციფრი ვერ იტევს
ფართს საცხოვრებელს მისასა!),

აკეჯი მთხოვა, მივეცი,
ვურჩევდი სპილოს ძვლისასა,

„ვოლგა“ მთხოვა და მივეცი,
ვურჩევდი კუპრისფრისასა,

ცნობა მთხოვა და მივეცი,
ვუწერდი სიყალბისასა,



კარულია

მოწყობა მთხოვა, მოუწყვე
შვილი ინსტიტუტს
ძვირფასად,

საგზური მთხოვა, მივეცი,
ვურჩევდი პარიზისასა,

პოსტი მთხოვა და მივეცი,
ვურჩევდი მმართველისასა,


ქრთამი მომცა და ავიღე
დავმალე სიდედრისასა,
არ ავიღებდი ან როგორ,
ქრთამსა — ჩემს ნამდვილ მიზანსა?!

გამომიჭირეს, გამწირეს,
ელვასა ჰგავდა ცისასა!..
არა მცნეს ღირსად, მომამძვრეს
სავარძელს უფროსისასა!..

აქეთ მე „ვზივარ“, იქით — ის,
კპროტექტორობდი ვისაცა!..


ბათუ მელია

ნან. ა. ასლანაზაშვილისა



უსიტყვოდ

ნან. ვ. კუცინასი



უსიტყვოდ

ნ ა კ ვ ე ს ე ბ ი

- კერძომეცხარეებს დღეები დათვლილი ჰქონდა, ფული და ქონება კი — უთვალავი.
- ტქის ხერხით ანადგურებდა და ამ ხერხით მდიდრდებოდა.
- მწუხმსი კოლმეურნეობისა იყო, წესი კი მგლისა ჰქონდა.
- ცარიელი თავის პატრონს თავი სავსე ჯიბით მოჰქონდა.
- სპეკულანტმა ყვავილით ოჯახი ააყვავა.
- სტაში უწყვეტი ჰქონდა, თუმცა მუშაობით წელში გაწყვეტილი არ იყო.
- კერძომეცხარეებ — დასასვენებელ

სახლსაც ავიშენებო, მაგრამ ბოლოს აშენებულში მოათავსეს.

- ზაქის კოლოფი ცარიელი ჰქონდა, ფულის კი — გატენილი.
- „ცხრა ძმისა და ერთი თხილის გულის“ მორალით ინაწილებდნენ ერთ სამქროში „შემოსავალს“ და სასჯელიც ასევე გაუნაწილეს.
- სპეკულანტებს ალბათ უჩინმაჩინის ქუდი ახურავთ და „ჩინანები“ ამიტომ ვერ ამჩნევენ.
- კერძომეცხარეებ თავდასხმა მოიგერიან, მაგრამ თავზე ლაფის დასხმა ვერ აიცლიან.
- პაღრების განყოფილებაში არც ერთ კადრს არ წუნობდნენ და წარმოება ბევრ წუნს უშვებდა.

ოთარ ნაჰუბია
(ქ. სოხუმი)



უსიტყვოდ

ნან. მ. აბაშიძისა



უსიტყვოდ



ქართული
ლიტერატურა

ქართული ლიტერატურა

ქობულაძის

კანონი



ს ი თ ხ ი თ ა

ჯიშია თუ ჩვევაა,
ველარ გამირჩევია,
ზოგს რომ მოფარებულში
ყრუ ხითხითი სჩვევია!

საკუთარზე თვალს იბრძობს,
სულ ცხოთ ნაკლს აკირკიტებს,
მამრე მჯიღში პირს მალავს,
ხითხითებს და ხითხითებს!..

ვიცი: შენთან მე „მამკობს“,
ჩემთან შენზე მითითებს!..
შენთან ჩემზე ჭირჭილებს,
ჩემთან შენზე ხითხითებს!..

ვიდრე შეგვაძულვდეს
ერთუროს აქეთ-იქითებს,
ყველამ, ყველგან პანდური —
ამისთანა ხითხითებს!..



მ ს ო ლ ო დ ჭ ა მ ე და ი ძ ი ნ ე!

იმ დღეს ზეიმი ჩატარდა,
მინდოდა, შენც იქ მესილე!
ჩანს, ისრივ თავის ჯამს ჩასტქერ,
ხალხში არ წამაეხირე!

მოდო, ვეისმინე, რასა ვბჭობთ,
კონცერტს უყურე, კინოსა!
ვინ გაპოლია ცა-მზესა? —
შენც წაგიღებენ, შევიღოსა...

ან სტუმარს დახვდი, საერთოს,
(სულ საკუთარი — იტმარე!),
არ განყენს, ხალხში მიდ-მოდებ,
წაეხმარ-წამოიხმარე!

ამ შეგონებას თუ მიწყენ
და გულში ბევრსაც იციანებ, —
მაშინ ახია, — რაცა ხარ, —
მსოლოდ ჭამე და იძინე!..



ზ ო გ თ ე თ ი რ ს პ ა ე ბ ა თ და ზ ო გ ი კ ი...

დარიალაში ცხვარს ვმწყემსავთ
ჩონთა, ელგუჯა, ალექსა...
შოთას და ვაყას ლექსს ვიცნობთ,
თავადაც გვიყვარს გალექსვა!..
მაგრამ თეთრ-ვერლიბრთ კითხვაში
თითო მწყემსს ვიკლებთ ჩარექსა!..
ჩავყურებთ, — როგორც მკითხავი
ჯამში ლობიოს ნალექსა!..
ვარჩევთ და ვერ გავარჩიეთ,
რა — პროზადაა, რა — ლექსად!..
ზოგ თეთრს ვაქებთ და ზოგი კი
კაცს დააბრმავებს, წალექსა!..
ისა გვწყინს, ნაღდი მელექსე
ზოგჯერ რომ ირჩევს მცდარე გზას,
თორემ ვინ ერჩის უნიჭოს —
კოსროში ნიავნარექსა?!

გ ა მ დ გ ა რ - გ ა უ მ ს ო ვ ე უ ლ ჩ ე ნ ე ბ უ რ ს

ე რ ა გ ე ს ლ მ ა და გ ე გ ს ლ ა?!
ჩვენებურს არ გავხარო!
გვერდში აღარ გვიდგებარ,
ვინა ხარ და რა ხარო?
გული რამ გაგიცივა,
კლდე ხარო თუ ქვა ხარო?!
დასამალ ხო დამალე,
დასახრავიც დახარო!
კიდევ რას გვემართლები?!
გამდგარხარ და დგახარო!
ჩვენს სიკეთეს დასცინი,
სიძულვილით ყარხარო!
რა ვქნათ, თუ არ გიყვარვართ,
აღარც ჩვენ გვიყვარხარო!
რო მახკვდები, ვაითუ
საფლავ არვინ ვათხაროს,
არვინ ვითხრას შენდობა,
თავიც არვინ დახაროს,
თემმა შეგიკურთხოს და
მწარედ ვადიხარხაროს!

ტ ყ ა ვ ე ბ ი

ქ ა ფ ი ე ბ ი კ ო ლ მ უ რ ნ ე ო ბ ი ს კ ა ნ ტ ო რ ი დ ა ნ

ბ რ ი ბ ა დ ი რ ი:

ყელამდე მაქვს მიზეზები:
ჭურდი, მგელი, სვავები,
დაცემა და იძულებით
დაკვლა გაუთავები!..

შ ა რ მ ი ს გ ა მ ბ ა:

ბაღლო, ხელზე ვიჭონიოთ
თეთრები თუ შავები —
ცხვრების ნაცელად —
ცხვრის ტყავები,
ძმურად განატყავები!..

ს ა წ ყ ო ბ ი ს გ ა მ ბ ა:

სხვენიდან თუ სარდაფიდან
ნაძებნ-დანახვევები,
ასი წლის წინ „ლომისისთვის“
შეწირული კრავების!

თ ა ვ მ ჯ დ ო მ ა რ ა:


წლები ვადის და ვატყავებს
ცხვრისგან ცხვრების ტყავები!

გ უ ლ ა ლ ტ ა რ ი:

ღმერთო, ნურვის ვვათქმევინებ:
„ტყავებისთვის გავები!“

ა ნ ო ნ ი მ ი ს ო ს

შენ ჩვენი გორის არა ხარ,
ავ-შავს რომ ჩხაბნი ტოლებზე!
ჩანს, ჯიშმა გავანაწილა
ემაგისთანა როლებზე!
ჯილაგმაც კვერი დაგიკრა, —
ღვარძლი გდიოდეს თოლებზე, —
მაგდანას ლურჯასავითა
თოკით მიბმულ ჭორებზე!
შინ ვისაცა ჰყავ სალექსო,
ლექსს ის თხზავს ცხოთა ცოლებზე!
გსურს თეთრი შავად აქციო,
ედები ღობე-ყორებზე!
მაგრამ რის მაქნისიცა ხარ,
გეტყობა ჭკუის ღონეზე!..
თავგთა, ეგ შენი „ნაღვაწი“,
სოროში მიღეს-მოლესეს,
თავად კი დარჩი, როგორც ხარ —
გამოქვაბულის ღონეზე!



ნ.ს. პ. ლოლუასი



— რატომ დადის ჩვენი თავხედი უფროსი ამ ბოლო დროს ასე თავნახრილი?
 — თავი რომ თავმდაბალ კაცად მოგვაჩვენოს!

— მანქანა რატომ გაყიდე?
 — სამსახური ვიყიდე!

საინჟინრო-ტექნიკური ჩინოსანები

საინჟინრო და მთხევრა

თამარ სტეფანეს ასულმა ლიპარტიამ, სოხის რაიონის სოფელ სიბულის მცხოვრებმა, შინნახადი არაყი „ჩუმაღ“ მიჰყიდა ზუგდიდელ ლაქრენტი სობელიას. საინჟინრო და მთხევრა გამოვიდა — სიბულელმა, იგივე სობელმა, ხილის არაყით სელდამშვენებულმა, სობელიას ხათრი ვერ გაუტუნა და ხელმარჯვედ გადასცა სპირტიანი სასმელი!..

ვინ მიჰყიდა სული ეშმაკს, სობელმა თუ სობელიამ? ალბათ, ერთმან და მეორემაც.

ბლის შედეგ

ქასპაღმა თენგიზ დიმიტრის ძე თაბუაშვილმა ზუგდიდში გასაყიდად ჩატანილ ბალს არაყიც გააყიდა. როცა სასმელის გასაღების მცდელობის მომენტში წაასწრეს, ქვა ააგდო და თავი შეუშვირა — რას ბრძანებთ! ამას როგორ გავეყიდი, ჩემთვის წამოვიღე ცოტა, ბლით პირის ჩატკბარუნების შემდეგ არაყს სომ განსაკუთრებული გემო აქვსო!..

ბლის დასაყოლებლად არაყი მართლაც არც მყიდველს აწყენდა, ხელი რომ არ შეეშალათ. რას იზამ, ესეც ხათრის გამო გამოუვიდა ასე, არაყისგან თავბრუდახვეულ თაბუაშვილს.

ბლის ციციანათელები

თბილის-სოხუმის ცენტრალური ავტოტრასის გასწვრივ, ზუგდიდის რაიონის სოფელ ცაიშთან, ორიოდ კილომეტრის მანძილზე, ხშირად მთელი დღე ანთია ლამპიონები. რაიონის ელქსელის ხელმძღვანელები დაგვიბრძნენ, რომ საქმე მოგვარდებოდა, მაგრამ მდგომარეობა ისევ გრძელდება.

იქნებ „ნიანგის“ ჩარევამ აამოძრაოს ელექტროენერჯის მომჭირნეობით ხარჯვისადმი ასეთი მტრული დამოკიდებულების მქონე პირნი და „ბლის ციციანათელების“ მომრავლებზე უფრო ზოგი ჩაბნელებული სოფლის უბნების განათებაზე იფიქრონ?!

ანზორ ბარამია,

„ნიანგის“ შტატგარეშე კორესპონდენტი ზუგდიდის ზონაში.

მიყიდა და მიყიდა!..

პაროღია

არ გაშინებს ნივთების სიძვირე და სიდიდე, ქმართან პირს გაკერია: „მიყიდე და მიყიდე!“

აგარაკი, მანქანა, და სასახლეც შენია! ამ „მიყიდეს“ ძახილში რა არ შევიძენია!

რასაც ნახავ, შეხედავ, სადაც უნდა, მიხვიდე, აგროვებ და აგროვებ აურაცხელ სიმდიდრეს!..

მზად ხარ, ლამის იყიდო თუნდ ნატეხი რიყის ქვის!.. პატიმარი ქმარი რომ ველარაფერს გიყიდის?!

გივი ჩხაიძე

შეღობილნი - «არაქანცისისკის» - ქვეყანაში

„მარტო მიმდინარე წლის ივნისის თვეში ქუთაისის შინაგან საქმეთა საქალაქო განყოფილების სამედიცინო გამოსაფხიზლებელში მოხვდა 294 კაცი. მათგან 209 სიმთვრალის ისეთ სტადიაში იმყოფებოდა, როდესაც კაცს ავიწყდება თავისი ადამიანური ღირსება, ჭკუას კარგავს და განურჩეველი ხდება. უზომოდ სმის ამ მოყვარულთაგან 116 კაცი ჩვენი ქალაქის შკვიდრია“.

ბაზეთი „შუთაისი“ 133, 11 ივლისი, 1985 წელი.
აკაკი ბენიას ძე ჯიბლაძე - წყალტუბოში მცხოვრები (სტალინის ქუჩა № 5-28), 1948 წელს დაბადებული, ქუთაისის ავტოქარხნის აგრეგატული კორპუსის გამმართველი (სიმთვრალეში გორავს, როგორც კამათელი), სკკპ წევრი, (ამას წინათ დალია ბევრი, გამოსაფხიზლებელში იღო, როგორც ქვევრი).

ალექსანდრე იოსების ძე ზალდარანი - ავტოქარხნის № 2 საწნები საამქროს მუშა (ათრობს ორი მუშა) ქუთაისში, მშვიდობის ქუჩის № 20 სახლში მცხოვრები.

ბადრი კარლოს ძე ქირია - (მასთან ქეიფი ძვირია, სიმთვრალეში ჭირია), 25 წლის, დათვრა და ფეხზე იდგა ძლივს, კომკავშირელი (თამადა პირველი), ავტოქარხნის აგრეგატული კორპუსის ამწყობი (სიმთვრალეში ცნობილია ანცობით).

სერგო ვლადიმერის ძე კიხილია - 1956 წელს დაბადებული, (სმაში არავარგებული), ისიც № 2 საწნები საამქროს ელექტრომშენებლებული (სავსე ჭიქის მძებნელი).

კავროზ მათუს ძე ბიწაძე - (ფეხს ძლივს ადგამდა მიწაზე), № 2 საწნები საამქროს მუშა, 1932 წელს დაბადებული, (ქეიფში გლახად ქებული).

იოსებ ვასილის ძე მესტიაშვილი - კავროზ ბიწაძის მეზობელი (ჩალოვის ქუ-

ჩის № 1 სახლში მცხოვრები) 1942 წელს დაბადებული (ნასვაში დაბლა გდებული) ავტოქარხნის მთავარი კონვეიერის მუშა (მედალს გილოცავთ, იოსებ, ოლონდაც ნუ გაიოცებ!).

გონა შალვას ძე ბარბაქაძე - 21 წლის ჭაბუკი (სიმთვრალეში ქარბუკი), ავტოქარხნის ლითონსამუშაო საამქროს მუშა, მშვიდობის ქუჩის № 20 სახლში მცხოვრები.

ვლადიმერ ბორისის ძე ნელინი - (სიმთვრალეში გზასცდენილი), არკადი ივანეს ძე დავოსნი - (სპირტისთვის წავე ლაოსში), ივანე ალექსანდრეს ძე გოშჩენკო - ავტოქარხანაში სამუშაოდ მივლინებით ჩამოსულები, ჯერ მაგრად დალიეს და მერე დაიძინეს... გამოსაფხიზლებელში.

ვლადიმერ ვლადიმერის ძე ვოროშილოვი, ვიქტორ ალექსანდრეს ძე მისევეი, ალექსანდრე იოსების ძე კუხიანიძე, ივანე კონსტანტინეს ძე ჭუმბურიძე, რადინ ფიდეატის ძე შეიფუდინი, ვიქტორ ანდროს ძე იურადავეი, ანატოლი ალექსანდრეს ძე ცვეტკოვი შვიდნი ძმანი უსაქმურნი, ქუჩა-ქუჩა მოხეტიალეები, სპირტიანი სასმელების მოყვარულები, გამოსაფხიზლებლის დაუპატიჟებელი სტუმრები.

გივი შალვას ძე კეპულაძე - (სმაში არის ქებულიძე) და **ვლადიმერ ანდროს ძე ლაბაძე**. გივი ელექტრომექანიკურ ქარხანაში მუშაობს, ვლადიმერი - ხორცკომბინატში. ორივენი ერთი ასაკისანი არიან, თან ოჯახის წევრების დაწიოკებაშიც გვანან ერთმანეთს.

ლევან შაქროს ძე კახიძე - (დათვრა და დიდხანს ალვიძეს), ლითონკონსტრუქციების სამმართველოს მუშა.

იური ვლადიმერის ძე გობროვი - საცდელ-მექანიკური ქარხნის მუშა, (ქარხანაში წასვლის ნაცვლად იურიმ სპირტიანი სითხე ყლაპა „ღვთიური“).

სერგო რაფდენის ძე უშუე-

რიძე - (რომ დათვრება, ნეტავ ვინმე უშველიდეს!) „მოსკვირების“ საგარანტიო შეკეთების სადგურის მეთუნე, გაბაშვილის სახელობის პარკში ფეხზე ველარ დგებოდა.

ივანე სპირიდონის ძე ჩერმუშინი - მე-4 სამშენებლო ტრესტის მუშა, (ღვინის ტრფივლით, თურმე, ივანე, თანხას ნისიად ხშირად ივალდებს).

ტარიელ გიორგის ძე კინწურაშვილი - № 4 პროფტექნიკური სასწავლებლის მოსწავლე, ირაკლი მერაბის ძე ბუხაიძე - (ბაძავს მსმელებს, „მუყაითებს“, არცხვენს კაპიტანი ბუხაიძის სახელს).



რამაზ ზურაბის ძე ჭელიძე - 29 წლის, ვანტანგ ბუღუს ძე შვანგირაძე - 25 წლის და გიორგი გურამის ძე ტალახაძე - (ტალახი და ჩირქი მოსცხო ოჯახს). რ. ჭელიძე მუშაობდა სამშენებლო კომბინატში. გ. შვანგირიძე - სამკერვალო გაერთიანებაში, სოლო გ. ტალახაძე - მოძრავ-მექანიზებულ კოლონაში. საპიეე ბასუსის მოყვარული და მქარველია, მაიაკოვსკის რაიკოპერატის მიაყენეს 1396 მანეთის ზარალი.

რაიკორდსმენია, ანუ გამოსაფხიზლებელში ორჯარ, სამჯარ და მატჯარ მოხვედრილ მედალოსანთა სია:

ვიქტორ ანდრიას ძე ივანე-ტავეი - უმუშევარი, კიროვის ქუჩის № 8 სახლში მცხოვრები.

გივი ელგუჯას ძე მარდალეიშვილი - მუშაობს მე-4 სამშენებლო ტრესტის მე-4 სამმართველოში, არის ნინოშვილის ქუჩის № 17 სახლის მოზინადრე (ღვინო იყო მისი პობი ადრეც).

ელგუჯა მელიტონის ძე მელაშვილი - (ამბობს: „არ დავლევ, მე რა შვილი?“; ქეიფშია ხელგაშლილი); ცხოვრობს ნინოშვილის ქუჩის № 244 სახლში.

ვიქტორ ვიქტორის ძე უტენკო - (ღვინო-არაყი უყვებ სპობს!), ხუნდაძის ქუჩის № 50 სახლში მცხოვრები, კლინიკური საავადმყოფოს ელექტრომონტორი.

ვალერი გიორგის ძე რაზმაძე - (თანახმაა პურმარილზე და სმაზე), კიროვის ქუჩის № 90 სახლის მოზინადრე, (შინ ნასვამი მოდის ადრე! ერთხელ მისცეს პასუხისგებაში, მაგრამ კვლავ დრო გაპყავს ბახუსის ძებნაში).

დიმიტრი ვლადიმერის ძე ვარდოსანიძე - წულუკიძის ქუჩის № 5 სახლში მცხოვრები (უთხრებს: „ღვინის სმის ღიმიტი, ამოგეწურა, დიმიტრი!“); მუშაობს ქუთაისსაზღვევის საშემართველოში წუნდებულად.

ოთარ თოფილეს ძე ზერნაძე - 1924 წელს დაბადებული, უმუშევარი, მისი მისამართია: კიროვის ქუჩა № 8.

გურამ ალექსანდრეს ძე ხურციძე - ავტოქარხნის შასის საამქროს ამწყობი, მარქსის ქუჩის № 28 სახლში მცხოვრები, (თუ გარდა დალევის შანსი, მას აღარ ახსოვს შასი!).

აჯიკა ფიფაქაძე, მედლის „არაყაყობისთვის“ მიმინჭებული კომისიის წევრი.

ქართული ანლაზები

ქარკოვესაქართული ინსტიტუტით შეაჯროვილ „ჩაივიაჯა“ თქველა:

- ქაცხა ქაცხ ბალი აჩუქა და იმან ვაშლიც არ აჭამაო.
- ღათვი დათვს ეპატიუებოდა — სხვის ვენახში მიჰყავდაო.
- ტალთვალა ხარს ორთვალა ხარის ნამუშევარი თავისი ეგონაო.
- საღაცაა დიდი ღომი, იქითაა ჩემი ომიო.
- გორობია ისიც, ვინც მხოლოდ თავისი თავისთვის არის კეთილიო.
- მუსელს აქორებ — ქორია, აღორებ — ღორიაო.
- ერთ ქაცხ სოფლიდან აქეუებდენ, ის კი მამასახლისობას თხოულობდაო.
- ღორი რომ გასუქდება, იტყვის, ნეტავი მგელს დამაჭიდაო.

მომხვეაქალჯე თქველა:

- არმად ნაშოვნი არმად ჩაივლისო.
- ბავრის მდომი ცოტასაც დაკარგავსო.
- ქოქა წყალს მუდამ არ მოიტანსო.
- ქარის მოტანილს ქარივე წაიღებსო.
- რაც არ გერგება, არ შეგერგებაო.
- ნაგუსიც კაი საქონელიაო.
- სა ქუდად არ მიაჩნდა, დედამიწა — ქალამნადო.
- დამის ვენახი მიბარეს, — არც არავინ შიგ შეუშვა და აღარც არაფერი შიგ გაუშვაო.
- ბანა ქაცხი ერო არის, სულ თავისკენ მიითლიდესო.
- სირცხვილი დიდი კომბალიაო.

შეკრიბა ირაკლი ყიფინაძე



ნახ. ი. ყიფინაძის

ქართული
ზოგადი

უსიტყვოდ

ჭორცხოზილა

ჭორცხოზილა საკმაოდ ორიგინალური ნამცხვარია. იგი არ გამოირჩევა არც ტკბილი, სასიამოვნო გემოთი, არც ვაფორმებით და ფერთა შეხამებით. მეტიც: ნამცხვარს თავიდან მოტკბო გემო აქვს, ზოგჯერ შეიძლება გემოც ვერ გაიგოთ, ისე მწარდება. (გააჩნია, ვინ ან როგორ გამოაცხო).

ნამცხვრის დადებითი მხარე ის არის, რომ იგი შეიძლება გამოვაცხოთ ყველგან: სახლში, ქუჩაში, სამსახურში, ნაუცბათეგად, ოღონდ ცხობის დროს არ შეიძლება გარეშე პირების იქ ყოფნა, რადგან ხელს შეგვიშლიან ნამცხვრის ნორმალურად გამოცხოებაში.

ნამცხვარი „ჭორცხოზილა“ დიდი მოწონებით სარგებლობს ქალებში, თუმცა ამ ბოლო დროს მამაკაცებიც არა მარტო გემრიელად შეეჭევიან, არამედ გამოცხოებაშიც ქალებს არ უღებენ ტოლს!

ლ. ძირულისკირელი

სად მოულოგანე?!



ერთმანეთს გადაჭდოვილან
სიქა-პიქაბი, მკასლაბი,
იატაქიდან ჭარამდა
გროლით სავსე ავით სასლაბი..
სად მოულოგანე ავთან ზულს
ეს ოგარმოგაქალდაბი?!

წიქა

ნახ. ზ. დეისაძის



— ამ ჩემს ციხეზე უკეთეს ციხეში სადღა უნდა წამიყვანოთ?!



70 წლის მანძილზე



სად იყო ბრაზილიელთა
განთქმული „ხმელი ფოთოლი“,
როცა ხმელ ფოთოლს ურტყამდი
ჩოხატაურელ-ფოთელი?!

ჟუჟუნა წვიმა მოვიდა,
დიდი მინდორი დანამა..
სად — შენ, სად — მიშელ
პლატინი?!
დი - ნა - მ ო!.. დი - ნა - მ ო!..

ს ა ლ ა ლ ო ზ ო

ოქროს ბუცები კი არა,
უნდა მოეცათ ნობელი!
შენ კი... არც ჩემპიონი ხარ,
არც რამე თასის მფლობელი!

შენს მტერს, — თუ მტერი შენცა
გყავს, —
გული გაუბოს დანამა!
სად — შენ, სად — ვავა, პუშკაში?!
დი - ნა - მ ო!.. დი - ნა - მ ო!..

თუმცა ლამაზი ჭალარა
შენს ჭკვიან თავსაც დანათის,
შენ წლები ვერას დაგაკლებს,
ვერც ათას სამოცდაათი!

ჟუჟუნა წვიმა მოვიდა,
დიდი მინდორი დანამა!
სად — შენ, სად — მათი ასეები?!
დი - ნა - მ ო!.. დი - ნა - მ ო!..

შენი თაყვანისმცემელი „ნიანბი“

„ჯალოქარი ხარ, ბორის, ზლაპრული..“

როცა მოიცავს ბინდი სტადიონს,
როცა ყუნდება ბინდში რადიო
და მიეგდება ბურთი,
როცა მოთხრობას, შლეგსა და ლამაზს,
და თბილისელთა ნერვებზე თამაშს
შეწყვეტს დიქტორი წუთით,

როცა ხალხის ზღვას ვყავართ ალყაში,
როცა მანქანებს გააქვთ განგაში
და განიდულან გზაში,
მეც ვურევივარ ხალხის ტალღაში,
მეცა ვყაყანებ ხალხის ყაყანში
და შენ გიხსენებ მაშინ!

გიგონებ ცერზე დაგეშილ ფრინველს,
მრავალი ბრძოლის მხილველს და პირველს
უპირველესთა შორის,
ველად გავარდნილ ცეცხლსა და ფოლადს,
ქართულ მოედნის ცენტრსა და ფორვარდს,
მე შენ გიგონებ, ბორის!

„აბა შიშინო ის იყო მართლა!
იცოდა ბურთის მიტანა კართან
და მერე, კართან მიტანის გარდა,
ტყორცნაც იცოდა კარში!“ —
ჰყვებიან ასე ბურთის გიჟები,
ჩაფიქრდებიან წუთით ბიჭები
და ასე ვდუმვართ გზაში.
ვდუმვართ და ვხედავთ გარდასულ ბრძოლებს:



გავარდნილხარ და მიპაპობ მორევს,
აგიწყვეტია ხუნდი!..
ჯალოქარი ხარ, ბორის, ზლაპრული,
თითქოს თასმით გყავს ფეხზე დაბმული,
წინ მიგიძღვება ბურთი!..

უყვარდი მოსკოვს, ლენინგრადს, კიევს,
შუბლში გესროდნენ ვარდებს და იებს,
უყვარდი მშობელ თბილისს!..
შენ ევროპაში გიჭვრეტდნენ ძლიერს,
შენ თეირანში ფენდაფენ გდიეს —
ვერ შეგიცვალეს ნირი!

აღარ ჭინვინებს შენი მერანი,
შენ ვალმონდილი ხარ ვეტერანი
აწ გარდასული ბრძოლის!..
შენ დასავლეთის ტრიბუნა გელის,
შენ მაყურებელს მიეცი ხელი —
შენ ჩვენთანა ხარ, ბორის!

როცა მოიცავს ბინდი სტადიონს,
როცა ყუნდება ბინდში რადიო,
ჩვენ ჩაეფიქრდებით წუთით...
გათელილია ველზე ბალახი,
აზელილია გზებზე ტალახი —
გდია დაღლილი ბურთი!..

მურმან ლუბანიძე



«გაფუჭებული განწყობილება»

პოლიტიკური ფელეტონი

ამერიკული სამხედრო-სამრეწველო კომპლექსი ამერიკის შეერთებული შტატების მხედრონისათვის განუწყვეტლივ ამზადებს შეიარაღების ახალ, სულ უფრო დასვეწილ სახეობებს და ამით ფანტასტიკურ მოგებას სვეტავს. სწორედ ამ ფაქტმა უკარნახა თემა ფელეტონისათვის ცნობილ ამერიკელ სატირიკოსს. იგი წერს ბიზნესმენის სახელით, რომელსაც სწყურია, რომ მის თავზეც ითქრიალოს პენტაგონის დაკვეთების ოქროს წვიმა.

ძვირფასო თავდაცვის მინისტრო კასპარ უაინბერგერო!

ოდესმე თუ მიგიტყვევიათ ყურადღება იმისათვის, თუ პარასკეობით რა მოულოდნელად ელის ხალხი დასვენების დღეებს? იხილეთ ამ დღეს პირლიმლით იღვიძებენ და წარმოსთქვამენ: „მადლობა დემერსს, დღეს პარასკევი!“ ახლა არ იკითხავთ, რა კარგი გუნება-განწყობილებით წამოხტებიან სოლმე თავიანთი სამუშაო ადგილებიდან? ზოგჯერ სამუშაო დღის დამთავრებასაც აღარ უცდიან, ისე გაცვივდებიან სოლმე ქუჩაში.

მერე შაბათი დგება. ყველას უყვარს ეს დღე, განსაკუთრებით მანინა კარგი, თუ დიდიდანვე მოახერხებ ბავშვების ნეიტრალიზებას — შეაჩვენებ მათ კომიქსებს, თვითონ კი ძილს გაიბრტყელებ. ნასადილევს ფეხბურთის ან პოკის მატჩების ტრანსლაცია იწყება, ან შეიძლება სულაც გოლფკლუბში წახვიდე.

ბატონო მინისტრო, თქვენ რას ფიქრობთ შაბათ საღამოზე? სწორია ძველებური სიმღერა: უბრალოდ ყველას გადარევაბდე უყვარს ეს საღამო მისი ვნებებითა და ღვინით, კინორეკლამებითა და სროლით. რა ეღირებოდა ჩვენი სიცოცხლე ამ წარმტაცი ეამის გარეშე?


რა თქმა უნდა, თქვენ ეს შესანიშნავად იცით, მისტერ უაინბერგერო, იცით იმიტომ, რომ თქვენს ოქით, კაცობრიობის დანარჩენი ნაწილი ყოველ კვირა დღეს გა-

მოუცნობი შიშითა და ავი წინათგრძნობით დათრგუნვილი იღვიძებს, თქვენ კი, ნამძინარევე თვალებს გაახვლთ თუ არა, მაინცვე სვდებით ასეთი უსიამო შეგრძნებების მიზეზს, თქვენ ხომ საუზმის შემდეგ საგარეო კოსტიუმს იცვამთ და ღვთისმსახურებაზე მიდინართ, მერე რამდენიმე გაზეთს გადაავლებთ თვალს და ამასობაში გადის დილა და შუადღეც, შემდეგ კი, რაც ყველაზე უარესია — დგება საღამო.

განა შეიძლება დავასახლოთ უფრო ამაზრზენი რამ ვიდრე ის მომენტია, როცა ქალაქს ბინდი მოიცავს, თქვენს სულში კი უიმედობის გრძობა ჩასახლდება და აღარ მივატოვებს დღის ბოლომდე?

ოღონდ იძულებული ვარ კითხრა, ბატონო მინისტრო! პენტაგონში თქვენი შეიარაღების დამკვეთები სრულებით არ უწყვენ ანგარიშს იმ უმინშენლოვანებს როდეს, რასაც დასვენების დღეები თამაშობენ ადამიანთა ცხოვრებაში!

მათ უარი თქვენ ჩემს მოთხოვნაზე — შეტად მოკრძალებული თანხის, 800 მილიონი დოლარის გამოყოფაზე შეიარაღების ახალი სისტემის შემუშავებისა და წარშობისათვის, მას კი შეუძლია გადატრიალება მოახდინოს სამხედრო საქმეში. მე მხედველობაში მაქვს იარაღი, რომელმაც მიიღო კოდური სახელწოდება „გაფუჭებული განწყობილება“, იგი მუშავდება ჩემი ფირმის კონსტრუქტორების მიერ. ჩვენ ღარწმუნებული ვართ იმაში, რომ თუ ეს სისტემა მთლიანად გაიშლება, აშშ შეძლებს მუ-



დმივ შიშში იყოლიოს საბჭოთა კავშირი და თანაც — ყოველგვარი ბირთვული იარაღის უქონლად.

რას წარმოადგენს „გაფუჭებული განწყობილება?“ 800 მილიონი დოლარის გარეშე, რაც ასე საჭიროა კვლევითი სამუშაოებისათვის, მე არ შემიძლია გასაგებად გავცე პასუხი ამ კითხვაზე, თუმცა მისი არსი იმაში მდგომარეობს, რომ ამ იარაღის გამოყენებით შეგვეძლება მოწინააღმდეგეს ყველა დასვენების დღე გაუფუჭოთ.

აბა წარმოიდგინეთ: საბჭოთა კავშირში პარასკე დღით მილიონობით ადამიანი იღვიძებს გაურკვეველი შიშის შეგრძნებით დათრგუნული. ამას უფრო ამძიმებს იმის შეგნება, რომ მათ ასეთივე განწყობილება ექნებათ პარასკე საღამოსაც, შაბათს, დღისით და საღამოთიც, რომ აღარაფერი ვთქვათ კვირაზე.

როგორც კი აშშ შეძლებს ყველა დასვენების დღე მოუწალოს მათ, ისინი თავს შემოგვაბრალებენ, ჩვენ კი მოვთხოვთ, რომ საბჭოთა ხალხმა თავი რეივანის მიმდევრად გამოაცხადოს.

თქვენ მკითხავთ, რეალურია თუ არა ასეთი იარაღის შექმნა? შეგიძლიათ ეპვიც არ შეგეპაროთ! — მე უკვე შეუდექი მისი შემადგენელი ნაწილების აწყობას, მათ შორისაა ბოთლები, სადაც შეიძლება დავალოთ მზის სინათლე, რამდენიმე მილიონი კილომეტრი ფირი ჩვენი პოლიტიკოსების საკვირაო ინტერვიუს ჩანაწერებით, მილიონობით საგაზეთო სტატია, დაწერილი ამერიკელი ურნალისტების მიერ, რომელთაც არავითარი მნიშვნელობა არა აქვთ.

უჭვარეშეა, სისტემა „გაფუჭებული განწყობილების“ შექმნა იოლი ამოცანა არ იქნება, თუმცა, თუ თქვენ დამენმარებით, ბატონო მინისტრო, შევძლებდი 800 მილიონი დოლარის მიღებას, შევაკეთებდი ჩემს ავტომობილს, გავისტუმრებდი ვალებს და ორი კვირით წავიდოდი სადმე ბუნების წიაღში დასასვენებლად იმისათვის, რომ მთლიანად მოვდუნდე და მოვამზადო თავი დიდი მისიის შესასრულებლად. გვირდებით, რომ ჩემი პროგრამის ფასეული მხარე უფრო მიმზიდველ სახეს მიიღებს და მაშინ თქვენ მოგინდებთ ადგილთა არავითი მილიონი დოლარი!

გაზეთიდან „ზარუბელომ“ თარგმნა
ელგუჯა მერაბიშვილი



სატირინა და იუმორის ჟურნალი „ნიანგი“ № 19 (1631) მარტისამინი. გამოდის 1923 წლის ივნისიდან.

მთავარი რედაქტორი ზაურ ბოლქვაძე

სარედაქციო კოლეგია:

ავთანდილ ადგიშვილი (პასუხისმგებელი მდივანი), ჭახუა ამირეჯიბი, ნოშადი ბარათაია, ზორის გურგუღია, რევაზ თვარაძე, ჭეშალ ლოლუა, ნოდარ მალაზონია (მხატვარ-რედაქტორი), ალექსანდრე სამსონია, ბეჟან სინარულიძე (მთავარი რედაქტორის მოადგილე), ჭანსულ ჩარკვიანი, თამაზ წიფვიძაძე, ნაფი ჭუსიოთი.

ტექნიკური რედაქტორი მისიელ კუხალაშვილი

გადაეცა ასაწყობად 6. 09. 85 წ. ნელმოწერილია დასაბეჭდად 11. 10. 85 წ. ქალაქის ზომა 60X90^{1/2} ფიზიკური ნაბეჭდი ფურცელი 1,25, საარტიცხო-საგამომცემლო თაბანი 1,9, საქართველოს კვების გამოცემლობა, ლენინის, 14. შეკვეთა № 1985. 00 11632. ტირაჟი 143300. ყურნალი გამოდის თვეში ორჯერ. რედაქციაში შემოსული მასალები ავტორებს არ უბრუნდებათ.

ჩვენი მისამართი: 880008. თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, პ/მგ მდივნის — 93-10-78, მხატვარ-რედაქტორის — 99-02-38, განყოფილებათა გამგებების — 93-49-32, რედაქტორ-ლიტმუშაების — 99-02-38, მდივან — მეგანჯანის — 99-76-69.

Сатирико - юмористический журнал «НИАН-ГИ» (На грузинском языке) Тбилиси, пр. Руставели № 42. Издательство ЦК КП Грузии, типография издательства ЦК КП Грузии, Тбилиси, улица Ленина № 14.

ფასი 20 კაპიკი. იმდევსი 76137